



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ

Numri i lëndës: 2021:159486

Datë: 28.03.2023

Numri i dokumentit: 04131583

2021:159487

NË EMËR TË POPULLIT

GJYKATA THEMELORE NË FERIZAJ, DEPARTAMENTI I PËRGJITHSHËM-DIVIZIONI PENAL, gjyqtari i vetëm gjykues Imri Sejda, me bashkëpunëtorin profesional Driton Ahmeti, në çështjen penale kundër të akuzuarve: A.M. nga fshati, për shkak të veprës penale keqtrajtim i kafshëve dhe ndotja e ushqimit dhe e ujit të shtazëve nga neni 346 par.3 të Kodit Penal të Republikës së Kosovës (KPRK), duke vepruar sipas aktakuzës së Prokurorisë Themelore në Ferizaj-Departamenti i Përgjithshëm PP/IL.nr.923/21, të datës 16.07.2021, ka mbajtur shqyrtimin fillestar më datë 01.03.2023, në prani të prokurorit të shtetit Besnik Nuredini, dhe të akuzuarit, të njëjtën ditë mori dhe publikisht shpalli, ndërsa me datë 14.03.2023 e përpiloi me shkrim këtë :

A K T G J Y K I M

I akuzuari: **A.M.**, i lindur më, në Ferizaj, nga i ati N.. e ëma Sh.. e gjinisë B., me vendbanim në fshatin – Komuna Ferizaj, i pa martuar, punëtor, i gjendjes së mesme ekonomike, ka te kryer shkollën e mesme, shqiptar, shtetas i Republikës së Kosovës me numër personal:, i pa dënuar më pare për ndonjë veprë penale, ndaj tij nuk udhëhiqet ndonjë procedure tjetër penale.

Ë S H T Ë F A J T O R

Me datë 6 dhjetor 2020 dhe me datë 06 mars 2021, në fshatin ... - Komuna Ferizaj, të pandehurit pas një marrëveshje paraprake kanë kryer veprime të kundërligjshme dhe në dijeni për pasojat që mund të shkaktohen, fillimisht i kanë përgatitur për luftime kafshët e tyre të llojit (qen), në atë mënyrë që kanë organizuar luftëra dhe kanë marrë pjesë në luftëra të ndryshme ndërmjet kafshëve (qenve), duke i përleshur dhe të njëjtit dhe të postuara në rrjetin social

(facebook), nga i pandehuri A.M., me këto veprime të pandehurit me dashje kanë shkaktuar vuajtje dhe lëndime tek kafshët (qentë) e tyre.

- **me këtë ka kryer veprën penale keqtrajtimi i kafshëve dhe ndotja e ushqimit dhe e ujit të shtazëve nga neni 346 par. 3 të KPRK-së.**

Andaj, Gjykata në bazë të neneve 2, 4, 7, 8, 17, 21, 35, 38, 39, 40, 43, 69, 70 dhe nenit 346 par.3 të Kodit Penal të Republikës së Kosovës (KPRK), si dhe në bazë të neneve 364, 452, 462, të Kodit të Procedurës Penale të Republikës së Kosovës (KPPRK), të pandehurin,

E G J Y K O N

Me dënim me gjobë në shumë prej 400 € / katërqind euro /, dënimin e shqiptuara me gjobë do ta paguaj në afat prej 30 ditësh, nga dita e plotfuqishmërisë së këtij aktgjykimi, e në rast se i pandehuri nuk e paguan dënimin me gjobë në asnjë mënyrë, sipas nenit 43 par.3 të KPK-së, i njëjti dënim do të i shëndrrohen në dënim me burgim ashtu që për çdo 20 Euro, do t'i llogaritet një (1) ditë burgim.

Obligohet i pandehuri që në emër të shpenzimeve të paushallit gjyqësor të paguaj shumë prej 20 € /njëzet euro/, ndërsa në emër kompensimin të Viktimave të Krimit shumë prej nga 20 € (njëzet euro), në kuptim të nenit 36 par. 3 pika 3.1, Nr. 05/L-036, të ligjit për kompensimin e Viktimave të Krimit, brenda afatit prej 30 ditësh, nga dita e plotfuqishmërisë së këtij aktgjykimi, nën kërcënimin e përmbarrimit me dhunë.

Për të pandehurin F.H. nga fshati Komuna Ferizaj, me pëlqimin e Prokurorit të Shtetit Besnik Nuredini dhe të pandehurit A.M., konform nenit 35 të KPPRK-së, veqohet procedura, për shkak të pamundësisë së sigurimit të prezencës së tij në gjykatë dhe për këtë do të formohet dhe regjistrohet lëndë e re në regjistrat e gjykatës të divizionit penal dhe e njëjta lëndë do të merr numër të ri.

A r s y e t i m i

Historiku i Procedurës

Prokuroria Themelore Ferizaj-Departamenti i Përgjithshëm, me aktakuzën e saj PP/II.nr.923/21, të datës 16.07.2021, ka ngarkuar të pandehurit A.M. dhe F.H. për veprër penale keqtrajtim i kafshëve dhe ndotja e ushqimit dhe e ujit të shtazëve nga neni 346 par.3 të Kodit Penal të Republikës së Kosovës (KPRK) dhe ka kërkuar që të pandehurit të shpallen fajtor dhe t'u shqiptohet sanksioni penal i paraparë me ligj.

Gjykata pasi studioi materialet e çështjes penale të paraqitur për gjykim, çmoi se çështja është në juridiksionin e saj dhe gjykimi i kësaj çështje penale duhet të realizohet përpara kësaj gjykate. Po kështu është në kompetencën lëndore dhe territoriale të kësaj gjykate, pasi vepra penale për të cilën është proceduar për të pandehurit gjykohet nga gjyqtari i vetëm gjykues dhe vendi ku është kryer ose tentohet të kryhet vepra penale.

Gjykata duke vepruar në këtë çështje penale mbajti shqyrtimin fillestar me datë 01.03.2023, në të cilin shqyrtim gjyqësore ishin të pranishëm Prokurori i shtetit dhe i pandehuri A.M. ndërsa i pandehurin F.H. ka munguar dhe në bazë të Memorandumit Zyrtar të Stacionit policer në Ferizaj Nr. të dt. 15.02.2023 është konstatuar se i njejti gjendet jashtë shtetit. Andaj gjyqtari merr mendimin e palëve për veçimin e procedurës për të pandehurin F.H. të cilët në deklarinimin e tyre u pajtuan që procedura ndaj të pandehurit në fjalë të veçohet.

Gjykata pasi ka marrur mendimin e palëve, me Aktvendim të dt.01.03.2023, ka veçuar procedurën penale për të pandehurin F.H. nga fshati Komuna Ferizaj, për veprat penale keqtrajtim i kafshëve dhe ndotja e ushqimit dhe e ujit të shtazëve nga neni 346 par.3 të Kodit Penal të Republikës së Kosovës (KPRK), dhe ka vendosur që për te të formohet lëndë e re penale dhe që e njëjta lëndë të merr numër të ri në regjistrat e gjykatës në divizionin penal, kurse me të pandehurin A.M. ka vazhduar shqyrtimin fillestar për veprën penale keqtrajtim i kafshëve dhe ndotja e ushqimit dhe e ujit të shtazëve nga neni 346 par.3 të Kodit Penal të Republikës së Kosovës (KPRK), për të cilën është akuzuar me aktakuzën e Prokurorisë.

Në fillim të shqyrtimit fillestar, gjyqtari i vetëm gjykues ka udhëzuar të pandehuri për të drejtat e tija në kuptim të nenin 241 par.1 të KPPRK-së. dhe pasi që i pandehuri ka deklaruar se i ka kuptuar në tërësi udhëzimet e dhëna nga gjykata, shqyrtimi fillestar ka vazhduar me leximin e aktakuzës nga ana e prokurorit të shtetit dhe pasi që gjyqtari është bindur se i pandehuri e ka kuptuar në tërësi aktakuzën, në pajtim me neni 241 paragrafi 4 të KPPRK-së, i

ka afruar mundësinë që të deklarohet lidhur me fajësinë apo pa fajësinë për veprën penale për të cilën është i akuzuar.

I pandehuri në shqyrtimin gjyqësor fillestar ka deklaruar se e pranon fajësinë për veprën penale e cila i vihet në barrë sipas të gjitha pikave të saj, jam i vetëdijshëm për pranimin e fajësisë dhe pasojat që mundën të vijnë, pranimin e fajit e bëj në mënyrë vullnetare.

Prokurori i shtetit lidhur me pranimin e fajësisë nga ana e të pandehurit deklaroi, pajtohem me pranimin e fajësisë nga ana e të akuzuarit, pasi që ky pranim është bërë në mënyrë vullnetare në përputhje me dispozitat e nenit 322 par.2 lidhur me nenin 242 të KPRK-së, pranimi i fajësisë është bërë në mënyrë vullnetare duke u mbështetur në provat dhe faktet që i përmban kjo aktakuzë, andaj i propozojmë gjykatës që të akuzuarin ta shpall fajtor dhe ti shqiptoj një dënim sipas ligjit.

Gjykata për të vlerësuar pranimin e fajësisë shqyrtoi me kujdes kushtet e parapara nga neni 242 par. 2 të KPPK-së dhe me këtë rast vlerësoi se i pandehuri ka kuptuar natyrën dhe pasojat e pranimin të fajësisë, pranimi i fajit është bërë vullnetarisht nga i pandehuri, pranimi i fajit nuk është rezultat i përdorimit të forcës, kërcënimeve apo premtimeve, se aktakuza nuk përmban asnjë shkelje të qartë ligjore ose gabime faktike, pranimi i fajit mbështetet në fakte dhe prova materiale të rastit konkret dhe atë me provat e paraqitura nga Prokurori i Shtetit siç janë, deklarata e të pandehurit A.M. të dhënë në Polici e datë 09.07.2021, Foto-Dokumentacioni, dy (2) USB memory-kartë memorike si dhe shkresat e tjera të cilat gjenden në shkresat e lëndës.

Megjenëse i pandehuri e ka pranuar fajësinë e cila është në përputhje me kriteret e përshkruara më lartë, gjykata në bazë të nenit 242, paragrafi 6, të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit. *(nëse i pandehuri në shqyrtim fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësor, lidhur me këtë shih mendimin juridik të gjykatës supreme të evidentuar si GJA nr.207/13 të dt.19.03.2013).*

Duke vlerësuar në aspektin juridik, gjykata gjeti se në veprimin e të pandehurit ekzistojnë të gjitha tiparet objektive dhe subjektive të veprës penale keqtrajtim i kafshëve dhe ndotja e ushqimit dhe e ujit të shtazëve nga neni 346 par.3 të Kodit Penal të Republikës së

Kosovës (KPRK), ashtu siç është theksuar në dispozitiv të këtij aktgjykimi, në të cilin është përshkruar data, vendi, koha dhe mënyra apo rrethanat e kryerjes së veprës penale për çka dhe i pandehuri u shpallë fajtor dhe ju shqiptua dënim siç është theksuar në dispozitiv të këtij aktgjykimi.

Me rastin e matjes dhe caktimit të llojit dhe lartësisë së dënimit për të pandehurin, gjykata vlerësoj rrethanat në kuptim të nenit 69 dhe 70 të KPRK-së dhe gjeti si rrethanë veçanërisht lehtësuese se i pandehuri e ka bërë pranimin e fajësisë, se për herë të parë ka rëndesh me ligjin, është i moshës së re, ndërsa rastin konkret nuk gjeti ndonjë rrethanë rënduese, përveç që vlerësoj shkallën e përgjegjësisë penale të pandehurit si dhe rrezikshmërinë konkrete të veprës penale.

Gjykata është e bindur se edhe me një dënim të tillë, duke marrë parasysh edhe faktin se i pandehuri ka bërë pranimin e fajësisë do të arrihet qëllimi i dënimit i paraparë në nenin 38 të KPRK-së, përkatësisht dënimi i shqiptuar është plotësisht i justifikueshëm, në përshtatje me rrethana të kryerjes, rrezikshmërisë së saj dhe autorit të saj, që do të shërbej në parandalimin e kryesit nga kryerja e veprave penale në të ardhmen (preventiva speciale) si dhe do të arrihet qëllimi të përmbaj personat tjerë nga kryerja e veprës penale (preventiva gjenerale).

Vendimi mbi shpenzimet paushalle është marr në kuptim të dispozitës së nenit 452 par. 1 lidhur me nenin 449 par.2 nën par.2.6 të KPRK-së, ndërsa vendimi për kompensimin e viktimave të krimit është marrë konform nenit 39 par. 3 pika 3.1, të ligjit për kompensimin e Viktimave të Krimit. Nr. 08/L-109.

Në bazë të theksuarave më lartë u vendos si në dispozitivit të këtij aktgjykimi.

GJYKATA THEMELORE FERIZAJ
DEPARTAMENTI PËRGJITHSHËM, DIVIZIONI PENAL
2021:159487 e datës 14.03.2023

Bashkëpunëtori profesional:

Driton Ahmeti

Gjyqtari i vetëm gjykues:

Imri Sejda

KËSHILLA JURIDIKE: Kundër këtij aktgjykimi palët kanë të drejtë ankese në Gjykatën e Apelit në Prishtinë, në afat prej tridhjetë (30) ditësh, llogaritur nga dita e pranimit të tij. Ankesa dorëzohet përmes kësaj Gjykate, në kopje të mjaftueshme për palët dhe Gjykatën.